



Inatsisartunut ilaasortamut  
Hans Enoksen  
Naleraq

03-05-2024  
Sags nr. 2024 - 8536  
Akt. id. 24112045

Postboks 260  
3900 Nuuk  
Tlf. (+299) 34 50 00  
Fax (+299) 34 63 64  
E-mail: isn@nanoq.gl  
www.naalakkersuisut.gl

### § 37 naapertorlugu apeqput nr. 72-2024 utoqqaat atugaannut tunngatillugu akissuteqaat

Asasara Hans Enoksen.

Qujanaq apeqqutinut. Apeqqutit ataasiakkaarlugit allanneqarput, akissummik malitseqartillugit.

#### 1. Qineqqusaarneq kigullermi utoqqarnut atukkat pitsaanerulernissaannik neriorsuut sumut killippa qaqugulu aqqinniarpisiuk?

Qinersinerup kingorna Naalakkersuisut utoqqaat pillugit periusissiaat Naalakkersuisut saqqummiuppaat. Periusissiami arlalinnik suliniuteqarpoq, ataasiakkaallu piviusunngortinneqareerlutik, aamma allat piviusunngortikkiartuaarneqarlutik.

Naalakkersuisut isumaqarput, utoqqaat atugaat arlalitsigut pitsanngorsartariaqartut. Naalakkersuisut isumaqarput, utoqqaat atugaannut tunngatillugu utoqqalinersiaqarneq kisimi uuttuutigineqarsinnaanngitsaq. Taamaattumik Naalakkersuisut arlalinnik suliniuteqarput, utoqqaat atugaannik pitsanngorsaataasussanik.

Inatsisartut ukiakkut ataatsimiinneranni utoqqaat pillugit inatsimmik nutaamik Naalakkersuisut saqqummiussinissartik naatsorsuutigaa. Utoqqaat pillugit inatsit siullersaavoq aamma utoqqaat immikkut ittunik pisinnaatitaaffilertussaallugit. Ilaatigut inatsimmik siunertaavoq malittarisassat atuuttut katersorniarlugit kiisalu malittarisassanik pisinnaatitaaffinnillu annertusaanissaq, taamaalillutik utoqqaat atugaat pitsanngortillugit.

Utoqqaat pillugit inatsisip saniatigut Naalakkersuisut utoqqalinersialinnut pilersuisussaaqataaneq atorunnaarsinniarlugi siunnersuummik saqqummiussaqaareerput. Tamanna Naalakkersuisut aamma Inatsisartunut ilaasortat arlallit kissaatigaat. Atorunnaarsinneqarmat malittarisassat utoqqalinersialinnut paasiuminernerulerput, atorunnaarsitsineq ilanngullugu isumaqarluni, utoqqalinersiallit amerlanerusut utoqqalinersiutaat amerlanerulissasut, aapparisaq isertitai tunngavigalugit utoqqalinersiaat ilanngarneqartarunnaarmata.



Naalakkersuisut Kommune Qeqertalimmut immikkut ittumik tapiissuteqarput, utoqqaat pinngortitamut angalanissaannut piniarnermut peqataanissaat ikorfartorniarlugu, utoqqaat nerisaqarluarnissaannut atugarissaarnissaannullu iluaqutaasussat.

Tamatuma saniatigut Naalakkersuisut utoqqaat pillugit periusissiamiit suliniutit allat piviusunngortinniarlugit sulipput. Utoqqaat pillugit periusissiaq piffissaq sivisooq atorlugu ingerlasussaavoq, 2027-p tungaanut pitsanngorsaataasunik ajunngitsunik pilersitsisussaq. Ilaatigut pineqartut tassaapput puiguttornermut suliniut, suliamut paasisimasalinnut qanigisanullu pitsaannerusumik ilitersuisalernissaq. Naalakkersuisut ilanngullugu suliaaraat, utoqqalinersiaqarnermik aaqqissuusseqqinneq, utoqqalinersiaqartitsineramik siunissami inuit agguataarnerisa ineriartornerannut patajaallisaasussaq.

Naalakkersuisut aamma suliniutinut allattoqarfik pilersippaat, ilaatigut peqqinnissaq pillugu ataatsimiititaliarsuup inassutaanik amerlasuunik piviusunngortitsiniarluni suliaqartussaq, taakkunannga arlallit utoqqarnut tunngassuteqarlutik.

**2. Neriorsuut taanna utoqqaat atugaat pitsaanerulissasut qallunaat nunaannisullu atugaqalissasut, sumut killippa qaqugu Naalakkersuisut atulersiniarpisiuk?**

Naalakkersuisut naalakkersuinikkut tunngavik kiisalu periusissiat naalakkersuinikkut akuerineqartut naapertorlugit sulipput.

**3. Neriorsuut massakut Naalakkersuisut siulittaasuannik nipituuliutaalluni taasisussarsiuatanikoq oqaasinnaava timitalerneqarsinnaanngitsoq, utoqqarnillu neriorsuisuusaarluni pitsaanerulersitsisussaq qaqugu aaqqinniarneqarpa?**

Naalakkersuisut naalakkersuinikkut tunngavik kiisalu periusissiat naalakkersuinikkut akuerineqartut naapertorlugit sulipput.

Inussiarnersumik inuulluaqqusillunga

Jess Svane